

胎蔵界九方便

第一作礼方便

歸命十方正等覺

三世一切具三身

歸命一切大乘法

歸命不退菩提衆

歸命諸明真実言

歸命一切諸蜜印

以身口意清浄業

慇懃無量恭敬礼

歸命頂礼大悲毘

慮遮那仏

第二出罪方便

我由無明所積集

身口意業造衆罪

貪欲恚痴覆心故

於仏正法賢聖僧

父母二師善知識

及以無量衆生所

無始生死流轉中

具造極重無尽罪

親对十方現在仏

悉皆懺悔不復作

歸命頂礼大悲毘

慮遮那仏

第三歸依方便

南無十方三世仏

三種常身正法蔵

勝願菩提大心衆

我今皆悉正歸依

歸命頂礼大悲毘

慮遮那仏

第四施身方便

我淨此身離諸垢

及与三世身口意

過於大海利塵数

奉獻一切諸如来

歸命頂礼大悲毘

慮遮那仏

第五發菩提心方便

淨菩提心勝願宝

我今起發濟群生

生苦等集所纏身

及与無知所害身

救摂帰依令解脱

常当利益諸含識

歸命頂礼大悲毘

慮遮那仏

第六隋喜方便

十方無量世界中

諸正遍知大海衆

種種善巧方便力

及諸仏子為群生

諸有所修福業等

我今一切尽隋喜

歸命頂礼大悲毘

慮遮那仏

第七勸請方便

我今勸請諸如来

菩提大心救世者

唯願普於十方界

恒以大雲降法雨

歸命頂礼大悲毘

慮遮那仏

第八奉請法身方便

願令凡夫所住处

速捨衆苦所集身

当得至於無垢处

安住清浄法界身

歸命頂礼大悲毘

慮遮那仏

第九廻向方便

所修一切衆善業

利益一切衆生故

我今尽皆正廻向

除生死苦至菩提

歸命頂礼大悲毘

慮舍那仏